

Per trutgs e pitgognas dals 28-10-2011

Proposta da Adalbert Caminada

Platta Cotschna da Cuira 1505 m.s.m

Durada: ca. 3.5 – 4 uras
Differenza d'atezza: ca. 770 meters

Ruta:

Jau sai betg precis, quantas giadas che jau sun ids sin la Platta Cotschna, segir buc milli, na, era buc tschient giadas, diesch giadas è pli endretg. Mo a Cuira datti per il ver glied che van tantas giadas sin quai punct uschè enconuschain; i dat schizunt da quels che van duas giadas a di sin la Platta Cotschna. Mo uss avunda reclama per quella Platta.

Igl è vair, quai è in punct magnific, gist avant las portas dal martgà principal da nus Grischuns. E quella survista. Mo ina egliada ord in aviun mussa il martgà meglier. Mo ils fatgs èn, è va fitg tais! Il mussavia fa endament, che questa tura cuzza 2 ½ uras e va rodund 770 m ensi. Mo è va era pli spert. Dentant necessari èsi buc, ch'ins sto adina curre da culm si. Partenza a **Kleinwaldegg**, là nua ch'il bus da Cuera sa maina. Mo i ha era in parcadi, per quels che vulan esser segirs, ch'il return a chasa è adina segirads. Era ils velos pon ins metter là encunter ina planta.

Partenza è sin ca. 740 m.s.m. Adina suandar ils mussavias che mainan nus directamain sin la **Rot Platte**. Pertge che è vegn scrit Rot Platte è per mai anc adina in misteri! Cun ina cundiziun normala tanschan era duas uras per ir ensi. Anc ina giada, la survista è magnifica. Il plaz è stretgs e da mintga vart fitg spuretgs. Tgi che ha da far cun sturnizi, fa la pausa in per meters avant il banc da lain. Là è era il cudesch per inscriver. Buc emblidar, forse vul ins raquintar ina giada a parents ed enconuschents, ch'ins è era stads in per tschient giadas sin la Platta Cotschna. Ed anc insatge tut spezial, davos nus, en direcziun dal Montalin è la **Val Scalära**. Là aud'ins adina puspè crappa ch'è en moviment. Quai fa gronda impressiun. E quai è era la Val, nua che S.Clau sa prepara per las vistas tar ils uffants da Cuira l'entschatta december.

La senda è la davosa mesadad fitg taissa. Glied normala, quai vul dir, da quels sco ti ed jau van cun chalzers da muntogna, e segir mo sche la senda è sitga. Cun excepziun da dis da naiv ni da plievgia èsi pussaivel da far quella tura l'entir onn. Era per uffants da ca. 10 onns ensi. Mo ils davos 150 – 200 m èsi recumandà da segirar els cun ina suga. Uschia han els il sentiment che quai è stà ina tura tut speziala. Els èn vegni segirads cun ina suga, quai vul dir insatge e lai bain spert emblidar las stentas che la platta ha chaschunà.